

DOCUMENTOS

RUDESINDUS

miscelânea de arte e cultura



Concesión ao abade de Celanova, don Lopo de Ribadal, do título de capelán de honra

M^a BEATRIZ VAQUERO DÍAZ

Universidade de Vigo

1486, outubro, 9.

Os reis Isabel e Fernando conceden ao abade de Celanova don Lopo de Ribadal o título de capelán de honra da súa capela.

A.- AGS, RGS, leg. 148610, n^o 100.

Capellania de onor al abad de Çelanoua.

Nos el rey e la reyna por azer vien e merçed a vos don Lope de Ribadal, abbad del monesterio de Çelanova, tenemos por vien e es nuestra merçed que agora e d'aqui adelante para en toda vuestra vida seades nuestro capellan de onor de la nuestra capilla e ayades e gozedes e vos sean goardadas todas las honrras, graçias, merçedes, franquezas, libertades e preminençias e todas las otras cosas e cada vna dellas que por razon de la dicha capellania devedes aver e gozar e vos deben de seer goardadas. E otrosy que ayades e lebedes todos los derechos e reditos e obençiones e molumentos e todas las otras cosas e cada vna dellas al dicho ofiçio anexas e pertenescientes. E por esta nuestra carta mandamos al nuestro capellan mayor e a los nuestros capellanes e canores de la dicha nuestra capilla que de aqui adelante vos ayan e tengan e reçeban por nuestro capellan de onor de la dicha nuestra capilla e vos goarden todas las cosas susodichas e en ello enpedimiento alguno vos no pongan nin consyntan poner e los vnos nin los otros non fagades nin fagan ende al por alguna manera so pena de la nuestra merçed e de diez mill maravedis para la nuestra camara.

Fecha a nobe días del mes de octubre, anno del nasçemiento del nuestro Saluador Ihesu Christo de mill e quatroçentos e ochenta e seys annos.

Yo el rey. Yo la reyna.



